

CONGREGATIO DE CULTU DIVINO  
ET DISCIPLINA SACRAMENTORUM

Prot. N. 743/08/L

DECRETUM  
de variationibus quibusdam  
in editionem typicam *Ordinis cantus Officii* inducendis

Iam vigesimum quintum celebratur iubilæum editionis typicæ *Ordinis cantus Officii*, die 25 mensis martii anno 1983 de Summi Pontificis Ioannis Pauli PP. II mandato prælo datæ, quæ nova sua ratione in cantibus disponendis necessitatibus eorum respondit, qui celebrationem Liturgiæ Horarum lingua latina peragunt.

Post editionem illam amplum opus melodicæ instaurationis antiphonarum peractum est, quod antiquos oblitos fontes manuscriptos sicut et congruum Mediæ Ætatis numerum restituit antiphonarum, quæ etiamdum repertorium cantuum in Officio Divino Liturgiæ Romanæ adhibitum ditari valent, iuxta mandata Patrum Concilii Œcumenici Vaticani II: «Thesaurus musicæ sacre summa cura servetur et foveatur» (*Sacrosanctum Concilium*, n. 114).

Proinde, hæc Congregatio, vigore facultatum a Summo Pontifice BENEDICTO XVI tributarum, attento opere a Solesmensibus Monachis parato, necnon consulto Pontificio Instituto de Musica Sacra, introductionem variationum quarundam quoad antiphonas et responsoria in editionem vigentem *Ordinis cantus Officii* approbavit. Curæ erit huic Dicasterio, ut supradictæ variationes et additiones publici iuris fiant.

Contrariis quibuslibet minime obstantibus.

Ex ædibus Congregationis de Culto Divino et Disciplina Sacramentorum, die 2 mensis octobris 2008, in memoria Ss. Angelorum Custodum.

✦ Franciscus Card. Arinze

*Præfectus*

✦ Albertus Malcolmus Ranjith

*Archiepiscopus a Secretis*